

---

نظر شریفندہ

قوة بریه و بحریہ نك اهمیت و وجوبی

---

بحری

باب مشیخت مدارس مفتش لریدن و فاتح در سعا ملرندن اسکلیلی

محمد عاطف

---

ناشری


دوئمای عثمانی معاونت ملیه جمعیتی بك اوغلی مرکزی

---

مطبعة بحریه ده طبع اولنمشدر

۱۳۲۷





## نظر شریعتده

قوة بریه و بحریه نك اهمیت و وجوبی  
بر حکومتك بقا و ترقیسی ، بین الدول اعتبار و نفوذی  
انجق قوت ایله در . قوة بریه و بحریه سی مکمل اولان حکومت  
اعداسی جانبندن وقوعبوله جق هر نوع تعرضاتی دفعه مقتدر  
اولدیغی ایچون تبعه سی حر و سربست اوله رق رفاه و سعادت ،  
عزت و شرافت ایله یشارلر .

قوة بریه و بحریه سی اولیان ، یاخود ضعیف برحاله بولنان  
ملتلر منتظم صورتده قوة بریه و بحریه مالک اولانلرک تحت  
اسارتلرنده ذلت و حقارت ایله یشامقده درلر .

دولت اسلامیه نك قوت و شوکتی اعدایی ترهیب و تهدید  
ایده جك یوکسك طبقه لرده واقع اولق و بوسایه ده اعدانك  
اسارتندن قورتیه رق تبعه دولت اسلامیه امور دنیویه و دینییه لرنده  
سربست اوله رق یشامق ایچون ، طرف سبحانیدن ، عصرینه

کوره طاقت و قدرت بشرک یتدیکی درجه ده مابه الفلاح اولابن  
 قوه بریه و بحر بهنک اعداد و احضاری ( واعدوا لهم ما استطعتم  
 من قوه و من رباط الخیل ترهبون به عدو الله و عدوكم = اعدایه  
 مقابله و مدافنه ایچون قدرتکز یتدیکی قدر قوت و بسیلی  
 و یاغلی آتلا احضار ایدیکز که بو واسطه ایله الالهک و سزک  
 دشمنلریکزی قورقوده سسیکز . ) امر جلیلی ایله بتون اهل  
 اسلام اوزرینه واجب قلنمشدر .

( بخاریء شریف شارحی عینی ) دیورکه : بو آیت  
 جلیله ده کی قوت ایله مراد سبحانی ، عصرینه کوره محاربه بریه  
 و بحر یه ده ارکان و اسباب جهاددن عد اولنان هر نوع شیلردر .  
 شو حالده اشبو آیت جلیله نک عمومیتی تحتنده فنون حربیه  
 و امور دنیوییه دائر پک چوق امور مهمه داخل اولمقده در .  
 اولاً — تجارت ، زراعت و صنعتی ترقی ایتدیره رک  
 قوه بریه و بحر یه نک متوقف اولدینی پاره بی احضار ایتک .  
 ثانیاً — معادن ایشته رک ، ترسانه لر ، طوپخانه لر ، غابریقه لر  
 تأسیس ایدرک عصرینه کوره صوک سیستمده طوپلر . توفسکلر ،  
 قلنجلر ، سونکولر ، زرهایلر ، بالونلر . . کبی هر نوع آلات  
 حربیه تدارک ایلتک .

ثالثاً — مکتبلر تأسیس ایدرک هر نوع آلات و ادوات حربیه بیاجق اوستهلر ، بری و بحری هر جهتله مقتدر قوماندانلر ، ضابطلر و معلم عسکرلر یتشدرمک .

رابعاً — آت ، دوه ، قاطر ، شمندوفر ، نقلیه واپورلری ، شوسه یوللری ، تاغراف ، تلفون ، استحکام ، تعیه و قاعهلر وجوده کتورمک . . . بتون اهل اسلام اوزرینه واجب اولدیغنی اشبو آیت جلیله اشعار ایتمکده در .

چونکه آیت جلیله ده اعدایی ترهیب اعدانک قوتی فوقنده قوت احضار و اعداد ایتمکه بنا قاینیور . بوزمانده ایسه اوتلر ، چاققلی توفسکلر ، یلکن کیلری کبی اسکی زماندن قایله آلات حربیه ایله بالطبع اعدا ترهیب و تهدید اولنه میه جغندن بالضروره یوقاریده تعداد اولنان آلات و اسباب حربیه بی احضار لازم اولدیغنی آیت جلیله غایت واضح صورتده بیان بیورمقده در .

اعدائی ترهیب و تهدید ایتمک و آنلرک تعرضاتندن محفوظ قالمق انجق انلرک قوتی فوقنده قوت احضار ایتمکه معطوف اولدیغندن فخر عالم صل الله علیه و سلم افندمز بعث بیورلدیغنی زمان « بن پیغمبرم قوت و اسباب ظامره یه تسببندن مستغنی بم » دیورمیوب همان ارکان و اسباب جهادی احضار ایله قوت

استحصانه جهد و غیرت ایلدی . برمدت سراً و برمدت صکره  
 علناً لسان ایله ناسی دین حقه دعوت ایدرک عسکر و نفوس  
 اسلامییه بی تکثیره چالشدی . دشمنک هر درلو اذا و جفاسنه  
 کوکس کره رک ، متانت کوستره رک ، عزمنده ثبات ایدرک  
 آرزمان طرفنده نفوس و عساکر اسلامیهنک چوغالمسنه  
 موفق اولدی . ( مدینه منوره ) یه هجرت ایتدیکی زمان عسکر  
 تشکیل ، آلات و ادوات حربیه تدارک ایدرک قوت احضار  
 و اسباب ظاهره یه توسل ایلدکدن صکره همان دشماه مدافعه  
 و مقابله اتمکه باشلادی . برمدت صکره اعدانک قوتی فوقنده  
 قوه بریه سنی اکمال اتمکه دشمانی پریشان و بتوناه وال و مملکتلرینی  
 ضبط ایلدی .

عصر سعادت نبویه ده جزیره العربک داخلنده محاربات  
 ایله اشتغال اولدینی و محاربات بحریه یه زمان و مکان مساعد  
 اولدینی جهتله قوه بحریه تدارکله محاربات بحریه اجراسنه ثابت  
 اولنه مدی ایسه ده محاربات بحریهنک فضیلتی و بو خصوصه ترغیبی  
 متضمن بروجه آتی احادیث شریفه ایله قوه بریه کبی قوه بحریهنک  
 دخی نظر شریعتده اهم و الزم اولدینی امته اخطار بیورلمقده ایلدی .  
 فخر عالم صلی الله علیه وسلم افندمنز ( غزوة فی البحر

خیر من عشر غزوات فی البر = دکزده بردفعه محاربه قرهده  
اون دفعه محاربه دن خیرلودر) و ( شهیدالبحر مثل شهیدین  
فی البر = دکز محاربه سنده شهید اولان برذات اجر و ثوابده  
قره محاربه سنده شهید اولان ایکی ذات درجه سنده در) .

حضرت صدیق مقام خلافته کچینجه جزیره العرب و جوار  
ممالکده محاربات ایله اشتغال اولندیغندن ینه قوه بحریه  
باقیاهمدی ایسهده فتوحات عظیمهیه موفق اولنگله قوه بریه  
خیلیجه ترقی ایتمش ایدی .

حضرت فاروق مقام خلافته کچدیکی زمان قوه بریهیه صوک  
درجهیه قدر اهمیت و یروب اکاسره و قیاصره نك بتون اموال  
و مملکتلرینی ضبط ایدرک قوه بریهیه درجه کاله ایصال ایتمش  
ایسهده قوه بحریهیه اهمیت و یرمه مش اولدیغی کبی اسلاملی  
دکز محاربه سندن شدتله منع ایلکده ایدی . چونکه بدایت  
حالده مات اسلامیه نك احوال بحریهیه وقوفلری اولدیغی جهتله  
او صره محاربات بحریه موافق مصاححت و حکمت دکلدر ، فکر  
و اجتهادنده ایدی . برده حکومت اسلامیه نك قبضه تسخیرینه  
کچن یرلرده اساس حکومتی تشکیل ایدن قبائل عرب هنوز  
یرلشوب کوکشمندن برجوتلری سفائنه رکوب ایله اقطاربعیدهیه  
کیدوب متفرق و پراکنده اوله رق مرکز خلافتدن بعید

دوشماری ذاعده حکمت و سیاسته موافق دکلمی . بونکه براب  
 حضرت فاروق زمانده بحرین اوزرینه والی نصب اولان صحابه  
 کیران ( علاء بن عبداالحضرمی ) نجیبیز ایلیکی کیلر ایله  
 بصره کورفرزنجی کجوب ایران سواحانی فتح ایتمک اوزره ایلمک  
 دفعه اوله رقی دکن سفری اجرا ایتمش ایدی لکن موفقیت حاصل  
 اولمامنه برار حضرت فاروق مشار الیهک بو حرکتدن تمون  
 اولمدرق کندیسنه مجازات اولوق اوزره اوصرده کوفه وایسی  
 بولتان ( سعد بن ابی وقاص ) ک معینه مأمور ایدی . و او  
 اتاده ( شام ، اردن ) اردوگاهلری قوماندانی بولان ذات مبارکه  
 بحریه اجرا اولتیق ایچون حضرت عمر دن استیذاده بولدی  
 اینده حضرت خلیفه موافقت کوسترمدی . فقط مصر فتح  
 اولدقدنصکره اهل اسلام مصر لیردن تدریجاً احوال بحریه  
 وقوف پیدا ایلدکلی زمان محاربات بحریه جه جرأت ایدبارده فارشو  
 حضرت فاروق مسامحه کوسترمش و سکوت ایتمش ایدی .

حضرت عثمان مقام خلافته کلجه ابن ابی سفیان بتکرار  
 محاربه بحریه ایچون مساعده طلب ایدی . اوزماه قدر اهل  
 اسلام احوال بحریه ایجه کسب وقوف ایتمش اولدقلری ایچون  
 بالعموم صحابه کرامک اجماع و اتفایه قوه بحریه تدارکله محاربات

بحریه اجراسنه اذن عام صدور ایلدی . و حضرت خلیفه ابن ابی سفیانہ خطاباً ( دکز محابہ لرینه کیتمک اوزره کسه بی اجبار اتمه ، هر کیم طوعاً و اختیاری اوله رق کیتمک ایسترسه آنلر ایله کیدیکز ) بیوردی .

اشبو اذن عام اوزرینه ابن ابی سفیان قوه بحریه تدارکنه قویولدی . حرب کیلری ، آلات و ادوات حربیه احضار و کولکایلردن عسکر تشکیل ایله بردونما تجهیز ایدوب یکر می سکزنجی سنه هجریه ده قبریس اوزرینه حرکت ایدرک برروایته کوره جزیره بی عنوة فتح ایلدیلر . دیگر روایته کوره جزیره اهالیسی هر سنه ( ۷۲۰۰ ) دینار ویرمک اوزره ابن ابی سفیان ایله عقد مصالحه ایتدیلر . بو محابره ده قدماء صحابه کرامدن ( ابوذر ، شداد بن اوس ، ابولدرء ، عبارة بن الصامت و زوجه بی ام حرام بنت ماحان ) ودها پک چوق صحابه بولنقده ایدی . عسا کر اسلامیه طرفندن قبریس فتح ایدلکدن صکره دونمادن قرهیه چیقدیلر . عودت ابده جکاری زمان بینمک ایچون ( ام حرام ) ه بر قاطر کتوردیلر . قاطردن دوشه رک اوراده وفات ایتدی . قبری الآن قبریسده در . اهالی قبرینه تعظیم و احترامده بواندقلری کی قوراقاق زمانده آنکله استسقا

ایدیورلر . اسلاملر طرفندن ایلك دفعه اواق اوزره بحر سفیده  
چیقاریلوب محاربه اولنان دونما ابن ابی سفیانك قومانداسی  
تحتنده قبریسه حرکت ایدن دونما ایدی .

ایشته بوتاریخندن اعتباراً عموم اسلاملر دونمانك اهمیتی  
تقدیر ایدرك قوه بریهلری کبی قوه بحر به لرینی دخی نزید و  
اکاله چالشدیلر هر سنه دکزده محاربه یه باشلادیلر . برمدت صکره  
ترسانه لر تأسیس اولندی . سفائن انشاسنه اهمیت ویرلدی .  
ممالک اسلامیه ده عموماً کیمیجا که اعتنا ایدلدی . بو بابده ایلك  
خطوه بی آتان ابن ابی سفیان وطریق تکمله طوغری سوق  
ایلیان خلفاء مویه دن ( عبدالملک بن مروان ) اولمدر . شویله که :  
خليفة مشارالیه آفریقا والیسی ( حسان بن نعمان ) ه تونس  
طرفنده سفائن متنوعه انشاشی ایچون ترسانه بنا ایتسنی امر ایلدی .  
حسان آلدیغی امر اوزرینه ترسانه تأسیس ایدوب بشیوزدن  
زیاده کمیلر انشا ایتدیردی . عسکر ومهمات حربیه ایله تجهیز  
ایلدی . سکسان ایکی تاریخنده عبدالملک طرفندن دونمالره  
( عطا ابن ربیع قوماندان اولوب سجیلیا جزیره سنی فتح ایلدی .  
طقسان ایکی تاریخنده مشهور ( طارق بن زیاد ) قوماندان  
تعین اولندی . مکمل دونما ایله سپته بوغازندان کچدی .

اسپانیالیلر ایله محاربه ایدرک مدت قایله نظر فنده او قطعه بی کاملاً  
ضبط و استیلا ایتدی و پک چوق اموال غنائم آلدی. سپته بوغازندن  
ایلاک چیقان اسلام دونماسی ایشته بودر. قوماندانه نسبتله بوغازه  
( جبل طارق ) تسمیه اولنمشدر .

ایشته بونجه فتوحات انجق قوه بحریه سایه سنده وجوده  
کلش اولسی اهل اسلامی قوه بحریه بی درجه کماله ایصال و محاربه  
بحریه اهتتام ایتک خصوصنه ترغیب و تشویق ایتمشدر .  
بونک اوزرینه آفریقا ، اندلس ، مصر و شام سواحلنده  
ترسانه لر تأسیس اولنهرق دونما انشاسنه صوک درجه یه قدر  
اعتنا اولندی .

دردنجی عصر هجریده ( عبدالرحمن ثالث ) زماننده یالکز  
اندلس ترسانه سنده انشا ایدیلان دونمایی تشکیل ایدن سفن  
حریه ایکی یوزه و افریقا ترسانه سنده انشا اولنان دونمایی تشکیل  
ایدن سفائن حریه یوز اللی یه و خلفاء فاطمیه مک برنجیسی  
( معزالدین الله ) زماننده مصر ترسانه سنده انشا ایدیلان دونمایی  
ترکیب ایدن سفائن التی یوزه بالغ اولمقده ایدی .

بو صورتله اسلام قوه بحریه لرینی دخی درجه کماله ایصال  
ایلد کدنصکره آفریقادن ، اندلسدن ، مصر شامدن هر سنه

عسا کر وادوات مکماه ایله مجهز دونمالر اخراج ایدرک باشند باشه بحر سفید سواحلنی ضبط ایتمشلر . سیجیلیا وایتالیاسواحلندن آورریا حکمدارلرینی تهدید و ترهیب و عملدکتلرینی پک بیوک اندیشه یه القا ایتشلردی . سیجیلیا ده فاطمیلر نامنه اجرایی حکومت ایدن ( بنی الحسن ) زماننده بو تهدید و اندیشه پک شدتلی بر حال کسب ایتمش ایدی ، حکومت اسلامی نك شوکت و سطوت بحریه سی درجه کمالی بولمش اولدیغندن فرنکار او صر ده بحر سفیدك شمال شرقی جهتندن بشقه بتون اقسامنی اسلام دونمالرینه ترکه مجبور اولمشلردی . اسلادار نصل قره حکمدارلری ایسلر او یله جه ده دکر حکمدارلری ایدیلر . حکومت اسلامی توّه بحریه لرینی محافظه ایتدکجه فرنکار غایت درجه ضعفه دوچار اولمشلر ابدی ایسته بو صر ده حکومت اسلامی کک قوه بریه و کر کسه قوه بحریه لرینی درجه کماله ایصال وجهان کیرلاک درجه سنی بحق احراز ایتشلردی . بودرجه ده بیوک قوت الیه ایتمش و بو مقامی تر ایتمش ایکن بر مدت صکره دول اسلامی خواب عدالتله قاپیلهرق قوتی ضایع ایتمه تدنی یه طوغری یوارلنوب کیتمه که باسلادیلر . دونما امورینه ، اهمیت ویرمز ، عسکر ورجال بحریه یتددرمه باقماز اولدیلر . حتی ( صلاح الدین ایوبی ) طرفندن مصر ددانسنا اولنان دونما دائره نی الغا ایدرب نام ونسای قالماش بر حاله

کتوردیلر . اولجه بحریه عسکرلرینک حسن دعاسیله تبرک ایدیلور و آلقشلانورلرکن دهاسکره مصرده ( بحریه لی ) لفظی لفظ تحقیر و اهانت صاییلور و خدهت بحریه میباردن عد ایدیلور اولدی .

بوصورتله اسلاملر امور بحریه خصوصنده خواب عدالنه دالدقلمی زمان فرنکار اویانوب قالدیلر ، قوه بحریه اهمیت ویره رک ترقی ایتدیلر و ممالک اسلامیه تجاوزده بولندیلر . ارتق بوحال اوزره کیت کیده حکومات اسلامیه بی هر طرفندن ضعف و فساد و تدنی و انحطاط قاپلامش و انکتهایت بومرضادن قورتیه میهرق اوقوجه حکومات اسلامیه بتون تفرعاتیه محو و منقرض اولمش و بتون اموال و مملکتلری دشمن الاربنه کچمش ایدی .

ایشته فساد اخلاق و سفاهت و بعتالتک صوکی بودر . کله لم دولت عالیة عثمانیه دورینه : دولت علیه نك اوائلنده محاربات قرده ده اولدیغی ایچون امور بحریه باقلمیوردی . سلطان اورخانک اوغلی ( سایمان پاشا ) روم قایقریله کلیبولی طرفنه کچوب اوحوالی بی ضبط و استیلا ایتدی . بوندنصکره کلیبولی اوکلرنده قایتلر تدارک اولندی استانبولک فتحنده یالککز قره جهتندن محاصره کافی اولیوب دکز جهتندن دخی هجوم

ایدلمك لازم كلدی او ائناده استانبول ایله غلطه ارسنده زنجیر  
چكلمش اولدیغندن لیمانه کمی صومق قابل دكدی .

بالطه ارغلی ساهمان بك معرفتیله برروایتده سودلیجه  
آردنده دیکر روایتده روم ایلی حصاری آردنده مجددکیلر  
انشا ایدیلوب یاغلی قزاقلر اوزرنده قره ده کیلر بورودیلهرك لیمانه  
ایندیلمش و دکز طرفندن دخی هجوم ایله استانبول فتح اولمش  
ایدی دولت عثمانیه دورنده ایلك دفعه یاپیلان کیلرایشته بونلردر .  
سلطان فاتح استانبولی فتح ایتدکدنصکره قوه بحریه یه  
اهتمام ایلدی همان ترسانه احداث ایدرک خیلی زماندنبری منقرض  
اولمش اولان اسلام قوه بحریه سنی بتکرار ایا ایلدی . او صروده  
بتون آق دگری بنمسه مش اولان وندیکیلری تهدید و ترهیب  
ایده جک درجه دونما تدارک و آلات و ادوات حربیه وعساکر  
ایله تجهیز ایلدی . وایشته بو قوه بحریه ایله اوزماندن اعتبار آپک  
چوق قلعه لر ضبط اولندی .

سلطان بایزید ثانی زماننده قوه بحریه خیلی ایلریله یوب ( کمال  
رئیس ) کبی اعدانظرنده بیله اثبات لیاقت ایتمش ماهر قپودانلر  
ظهور ایتمش ایدی . ککوچک و بیوک اوچ یوز قطعه سفائن  
حربییه تهیه و مکمل آلات و ادوات حربیه احضار اولنهرق  
( کمال رئیس ) الهه ( براق ) رئیس قومانداسی تحتنده مورده

سواحانی ضبط ، و تسخیر ایچون اینه بختی جانبه گوندریلوب و نديك دونماسی مغلوب ایدلمش ایدی مؤخرأ سسلطان بازیدك انزواسی، وکلانك اهمال و مسامحه سی اوزرینه دریا سفرلری مهمل و متروك براقیله رق قوه بحریه یه طور غونلق طریان ایتمش ایدی .

یاوز سلطان سلیم زماننده عجمستان و عربستان سفرلریله اشتغال اولندیغندن دونما امورینه باقیله مامش ایسه ده او ائنده پادشاه مشارالیه آینه لی قواق سمتنده مکمل ترسانه لر انشا اولنمسی اراده بیورمشلردی . بوندن مقصدلری مکمل و منتظم دونما تدارك ایدرك آق دکز ساحانی تماماً ضبط ایتك ایدی حتی برکون بعض ذوات ایله مصاحبه ائناسنده ( سبته بوغازینه وارنجیه قدر آق دکز دیدکلری برخلیجدر ، آنک اوزرنده بو قدر ملل مختلفه تجمع ایدیورلر بوبله خلیج تماماً دولت علیه نك زیر اداره سنده اولماق لایقیدر و بو خصوصه بذل مقدرت ایتماک شان سلطنته شین ویره جک قصور همتدندر حق تعالی اجلدن محافظه بیوررسه بو مقصده کفایت ایده جک درجه ده دونما تدارك ایدوب آق دکزده اولان ممالکی تماماً قبضه تسخیره المدقجه راحت و آرامی حرام ایتکده اولسون بیورمشلردی نه قدر بیوک همت ، ایشته بو علوه همته بناء مکمل ترسانه لر انشاسنه باشلامش ایدی ، فقط مصر سفرندن عودتنک

ابکنجی سنه سی ارتحال دارجان ایتمکه بومقصد علوی یه موفق اوله مدی .

قانونی سلطان سایان زماننده ترسانه امورینه صوک درجه اهتم اولندی . مکمل دونما تجهیز ایدلدی . ردوس وین سواحلی ضبط اولندی . بوندنصکره ( بارباروس خیرالدین پاشا ) استانبوله کلکه دوات علیه ک قوه بحر به سی درجه کالی بولدی . خیرالدین پاشا امور بحر به ده خارق العاده مهارتار ابراز ایتک ، عظیم موفقیتلره نائل اولمق صورتیه دولت علیه یه پک بیوک خدمات ایفایتمش اولدیغدن بومقامده براز ترجمه حالندن بحی مناسب کوردک : ( خیرالدین پاشا ) فی الاصل مدلاو اهالیسندن ایدی . امور بحر یه وقوف نام صاحباری اولدقاری جهتله برادری اوروج رئیس ایله برلکده تونس کیدوب دکزده غزا ایتک اوزره تونس حاکمندن بریرایسته دیلر . اموال غنائمک خمسی تونس خزینه سنه تسایم اولمق اوزره ( خاف الواد ) قلعه سی آنره تخصیص ایدلدی . بوندنصکره ایکی برادر دکزه جیقوب راست کلدکاری فرنک سفائنی ضبط ایدرلردی . بوصورتله کندی سفینه لرینی تکمیر وصیت وشررتلرینی اطرافه ایصال ایدرک آق دکزه اوله ودهمت وبرمشاردی . فرنکلر واسپانیالیار ایله پک جیق محاربات ایتمار وبرسفر الرنده وروبا

سواحانی باصوب کلی غنائم و بیش قطعه سفینه ضبط ایتملردی .  
 خیرالدین رئیس بونلردن برینی مشهور ( کمال ) رئیسک همشیره  
 زاده سی ( محی الدین ) رئیس ایله دولت علیه یر ارسال ایلدی .  
 بوکا مقابل اولمق اوزره طرف سلطنتدن خیرالدین رئیسه خات  
 کوندرلدی . بوندنصکره خیرالدین رئیسه دریاده قارشى دوران  
 اولمیوب بارباورس نامندن بتون آق دکز خالقى خوف ودهشت  
 ایچنده واقع اولوب بشیکده کی چوچقلرینی بارباروس کلیوردیه  
 قورقودرلدی .

خیرالدین خطبه وسکه آل عثمان نامنه اولمق اوزره جزائر  
 امارتی قبول ایدوب تلسان حاکمی دخی تحت اداره سنه الهدقد -  
 نصکره آق دکزده اوروپا کیلرینی کزددرمز اولمش ایدی .  
 خیرالدین بکک قورقوسندن خلاص اولمق اوزره اسپانیا قرالیله  
 المانیا ایمراطوری اتفاق ایدوب المانیالی مشهور ( آندریادوریا )  
 نام قپودانک قومانداسی تحتنده آق دکزه مکمل و منتظم بر  
 دونما چیفاردیلر . او اشناده خیرالدین بکی قانونی سلطان سلیمان  
 حضرتلری دعوت ایتمش اولدیغندن معیتی آده لرنندن حسنی بکی  
 جزائر محافظه سنده براقوب درسدادته کیتمک اوزره مکمل  
 دونما ایله حرکت ایلدی . آوروپا سواحاندن اوغرادیمی برلری

تخریب ایتدی و تصادف ایلدیکی اون سکز قطعہ کمی بی آلوب اندریا دوریانی تخری ایدرک پروزه سمتہ کلدی . او ائنادہ اندریا اوحوالیدہ بولینیوردی . فقط ( بارباروس سنی آرایور غافل اولمہ ) دیہ اولجہ کندیسنه اخبار اولندیغندن اورادن صاووشوب ایتالیا . ساحندہ برمحله کیزلنش اوئقلہ اکا ملاقی اولمہ رق طقوز یوز قرق سنہ سی او اسطندہ استانبولہ مواصات ایلدی . خیرالدین بک استانبولہ کلنجہ طرف سلطنتدن جزائر بکار بکلکی رتبہ سی الحاقیلہ دریا قپودانی نصب اولندی . خیرالدین پاشا همان قوہ بحریہ نک تنظیمنه قویولدی . اوسنہ التمش بر قطعہ سفینہ انشا ایتدردی . جزائر دن کتیرمش اولدیغی یکر می اوج قطعہ سفینہ بی دخی الحاق ایله جمعاً سکسان درت قطعہ حرب سفینہ سیلہ اوسنہ آق دکزه سفر ایتدی . ( چوقہ ) اطہ سی جہتلرنده فتوحات عظیمہ یہ تائل اولوب کلی اموال و غنایم ایله استانبولہ عودت ایتدی . طقوز یوز قرق بش سنہ سی محرمنده یوز اوتوز سکز قطعہ سفینہ ایله بتکرار آق دکزه سفر ایتدی . استندل ، کرید ، کرپہ ، اطہ لرینی فتح ایدوب بعدہ روم ایلی قطعہ سنہ صالیدری .

اساساً خیرالدین پاشا بک ظہوری اوروپا دولترینی قورقوش

اولوب موخرأ قپودان پاشا نصب اوله رق استانبول ترسابعه سنی تحت اداره سنه آملقه ایستدیکی قدر دونما تدارك ایدرك ارتق هر طرفی استیلا ایده جکی قورقوسی بتون اوروپا دولترینی دهشت ایچنده براقدی .

خیرالدین پاشانك قوتی کسر ایتمك ایچون آلمانیا ، اسپانیا ، پایا ، پورتکیز ، وندیکیلر اتفاق ایدرك بیوك کوچوك التی یوزدن زیاده سفائندن مرکب بر بیوك دونما تشکیل ایتدیلر و المانیالی مشهور ( آندریا دوریا ) بی عموم قوماندان تعیین ایدرك خیرالدین پاشا ایله محاربه ایتمك اوزره قورقویه کوندردیلر . طقوز یوز قرق بش تاریخنده خیرالدین پاشا یوز یکرمی ایکی قطعه سفائن ایله پروژه لیمانده ایکن اعدانك برقاچ یوز قطعه سفینه لری پروزه بوغازینه کلوب سفائن اسلامیه طرفنه طوب انداخت ایتدیلر . اعدانك بو صورتله خیرالدین پاشایه میدان او قومهلری پاشای مشارالیهك صبر و قرارینی سلب ایتمکله هان بالجمله دونمای هایون ایله بوغازدن طشره چیقوب یوز یکرمی ایکی پاره سفائنك جمله سندن بردن طوپلره آتش ایتدیرمسیله دشمن دونماسی قورقوب فرار ایتدی فرداسی کونی ایکی دونما پروزه لیمانی آچیلرنده بربرینی کوروب حرب

وضعیتنی آلدقلمی اثناده روزكارك اعدا جانبہ مساعد اولمسی  
 اسلامرد حزن ویرمش ایدی . خیرالدین پاشا خواص قرآنیہ دن  
 استمداد ضمنندہ ایکی آیت کریمہ تحریر ایدوب کیسنگ ایکی  
 دیرکنہ تعلیق ایتمکله بحکمۃ اہمان روزکار کسلدی . خیرالدین  
 پاشا تکبیر کتورہ رک سفائن اعدا اوزرینہ هجوم ایدوب شدتلی  
 شدتلی آتش ایتمکله اعدادن بر قاجی غرق اولدیغندن ارتق  
 جملہ سنہ تورقو عارض اولہرق فرار ایتشار . و ارقہ لرندن  
 طوب انداخت ایله کینمسی غرق و کینیدی رخنہ دار اولمش ، و  
 بو حالی کور آندریا دوریا صقانی یولہرق سفائنک آرقہ سنہ  
 دوشوب فرار ایتشدر . بو مظفریت عظیمہ خیرالدین پاشا و  
 معبتندہ کی امرانک محاربات بحریدہ نہ درجہ دہ اقتدار و مہارت  
 کاملہ لری اولدیغنی کوسترمک کافیدر .

ایشته خیرالدین پاشا بریاندن ترسانہ و دونما امورینہ اہمیت  
 ویرہ رک انتظامنی درجہ کمال ایصال ایتک ، دیگر یاندندہ طورغود  
 رئیس ، پیالہ و قانیج علی پاشا لکبی امور بحریدہ آشنا و محاربات  
 بحریدہ صوک درجہ دہ مقتدر قوماندانلر ایتشدر مک ایله دولت  
 علیہ یه پک بیوک خدمت ایتشدر .

خیرالدین پاشادن صکرہ ( طورغود رئیس ) آنک مقامنہ